

**Ўзбекистон Республикаси Қурилиш ва уй-жой коммунал хўжалиги вазирлиги
тизимида жорий йилда коррупцияга қарши курашиш тизимида амалга
оширилган ишлар юзасидан
УМУМИЙ ҲИСОБОТ**

30.03.2024-йил ҳолатига

Коррупцияга қарши курашиш бўлими ўз фаолиятини Ўзбекистон Республикасининг Конституцияси, Қонунлари ва қонун ости ҳужжатлари асосида олиб боради.

Ўзбекистон Республикаси Коррупцияга қарши курашиш миллий кенгаши мажлисининг 2024-йил 1-мартдаги 13-сонли баённомаси асосида ишлаб чиқилган “Йўл харита”нинг ҳар бир банди бўйича тегишли бошқарма ва бўлимлар билан биргаликда вазифалар белгиланиб олинди.

2024-йил учун 10 та банддан иборат бўлимнинг иш режаси тузилган.

2022 йил 12 январдаги “Коррупцияга қарши курашиш ишларининг самарадорлигини рейтинг баҳолаш тизимини жорий этиш чора-тадбирлари тўғрисида”ги ПҚ-81 қарори ижроси бўйича амалга оширилган ишлар жорий йилнинг январ ойида Коррупцияга қарши курашиш Агентлигининг Е-Anticor платформасига киритилган.

2022-йилнинг Коррупцияга қарши курашиш ишларининг самарадорлигини рейтинг баҳолашда Қурилиш вазирлиги 49 балл билан қониқарсиз деб топилган.

2023-йил якунлари бўйича эса рейтинг баҳолашда 71 балл билан қониқарли деб топилди.

Вазирликнинг барча 136 нафар ходимларидан аризалар (декларация) олинди.

Ўрганиш натижаларига кўра, 1 та ҳолатда давлат хизматчиси тўғрисидаги қонун бузилиши аниқланди, ҳозирги кунда бартараф этилди.

Бухоро ва Самарқанд вилоятлари Қурилиш ва уй-жой коммунал хўжалиги бош бошқармаси ва тизим ташкилотларида ўрганишлар ўтказилиб, вазирликнинг 225-226-сонли буйруқлари билан ходимлар тўлиқ таништирилмаган аниқланди. (ГАСН, Бош бошқарма, тендер консалтинг, экспертиза)

Шунингдек, Бухорода 5 та, Самарқандда 4 та манфаатлар тўқнашуви ҳолатлари аниқланиб бартараф этилди.

Бўлимга 8 та мурожаатлар келиб тушган, қонунда белгиланган муддатда ижроси таъминланган.

Келиб тушган аризалар асосида 1 та хизмат текшируви ўтказилиб, тўпланган ҳужжатлар ҲМҚОга юборилган. Профилактик тадбирлари Самарқанд ва Бухоро вилоятларида ўтказилди.

Бундан ташқари, Қурилиш ва уй-жой коммунал хўжалиги вазирлиги коррупцияга қарши курашиш борасида фуқароларнинг ҳуқуқий онги ва хабардорлигини ошириш мақсадида замонавий ахборот технологияларидан фойдаланган ҳолда тарғибот-ташвиқот ишларини амалга ошириш бўйича 2024-йил учун чора-тадбирлар режаси ишлаб чиқилди.

Сиёсат ва тартиб-таомиллар

Ўзбекистон Республикаси Президенти администрацияси раҳбарининг 2020 йил 4 сентябрдаги 02-2488-сонли топшириғининг 3-илоvasи билан тасдиқланган “Қурилиши вазирлиги тизимида яширин иқтисодиёт ва коррупцияга қарши курашиш ҳамда унинг олдини олиш бўйича 2020-2021 йилларга мўлжалланган” Йўл харитасининг 3.4-бандида белгиланган вазифаларнинг ижросини тaminлаш мақсадида Қурилиш вазирининг 2020 йил 16 ноябрда “Қонунбузилишлар тўғрисида хабар бериш бўйича Тартиб”ни тасдиқлаш бўйича 319-сонли ва вазирликнинг 25.09.2023-йилдаги “Қурилиш ва уй-жой коммунал хўжалиги вазирлиги марказий аппарати ва тузилмадаги ташкилотлар ходимларининг одоб-ахлоқ қоидаларини тасдиқлаш тўғрисида” 318-сонли буйруғи қабул қилинган.

Қурилиш ва уй-жой коммунал хўжалиги вазирлигининг 28.08.2023-йил “Ўзбекистон Республикаси Қурилиш ва уй-жой коммунал хўжалиги вазирлигида коррупцияга қарши курашиш ишларини самарали ташкил этиш тўғрисида” 225-сонли буйруғи қабул қилиниб унга кўра коррупцияга қарши курашиш бўйича қуйидаги 15 та ички идоравий ҳужжатлар:

- Ўзбекистон Республикаси Қурилиш ва уй-жой коммунал хўжалиги вазирлиги тизимида коррупцияга қарши курашиш сиёсати 1-иловага;

- Ўзбекистон Республикаси Қурилиш ва уй-жой коммунал хўжалиги вазирлиги тизимида коррупциявий хавф-хатарларни баҳолаш услугиёти 2-иловага;

- Ўзбекистон Республикаси Қурилиш ва уй-жой коммунал хўжалиги вазирлиги, унинг ҳудудий ва таркибий бўлинмаларида манфаатлар тўқнашувуни бошқариш бўйича низом 3-иловага;

- Ўзбекистон Республикаси Қурилиш ва уй-жой коммунал хўжалиги вазирлиги, унинг ҳудудий ва таркибий бўлинмаларига алоқа каналлари орқали коррупциявий хатти-ҳаракатлар тўғрисида келиб тушган хабарларни қабул қилиш ва кўриб чиқиш регламенти 4-иловага;

- Ўзбекистон Республикаси Қурилиш ва уй-жой коммунал хўжалиги вазирлиги тизими ходимларининг одоб-ахлоқ ва коррупцияга қарши курашиш соҳасидаги ўқитилишини ташкил этиш бўйича йўриқнома 5-иловага;

- Ўзбекистон Республикаси Қурилиш ва уй-жой коммунал хўжалиги вазирлиги, унинг ҳудудий ва таркибий бўлинмаларида контрагентларни текширишга оид йўриқнома 6-иловага;

- Ўзбекистон Республикаси Қурилиш ва уй-жой коммунал хўжалиги вазирлиги, унинг ҳудудий ва таркибий бўлинмаларига ишга қабул қилинаётган номзодларни текшириш бўйича йўриқнома 7-иловага;

- Ўзбекистон Республикаси Қурилиш ва уй-жой коммунал хўжалиги вазирлиги, унинг ҳудудий ва таркибий бўлинмаларида Коррупцияга қарши тартиб-таомилларнинг самарадорлигини мониторинг ва назорат қилиш услуги 8-иловага;

- Ўзбекистон Республикаси Қурилиш ва уй-жой коммунал хўжалиги вазирлиги, унинг ҳудудий ва таркибий бўлинмаларида Коррупцияга қарши курашиш тизимининг ҳолати тўғрисидаги ҳисоботни шакллантириш ва тақдим этиш бўйича низом 9-иловага;

- Ўзбекистон Республикаси Қурилиш ва уй-жой коммунал хўжалиги вазирлиги, унинг ҳудудий ва таркибий бўлинмалари ходимларининг коррупциявий хатти-ҳаракатлари ва одоб-ахлоқ қоидаларини бузиш ҳолатлари устидан хизмат текширувлари ўтказиш бўйича регламент 10-иловага;

- Ўзбекистон Республикаси Қурилиш ва уй-жой коммунал хўжалиги вазирлиги, унинг ҳудудий бошқармалари ва таркибига кирувчи муассасаларнинг коррупцияга қарши курашиш соҳасидаги муҳим самарадорлик кўрсаткичлари 11-иловага;

- Ўзбекистон Республикаси Қурилиш ва уй-жой коммунал хўжалиги вазирлиги Коррупцияга қарши курашиш бўлими тўғрисидаги низом 12-иловага;

- Ўзбекистон Республикаси Қурилиш ва уй-жой коммунал хўжалиги вазирлиги таркибий ва ҳудудий бўлинмаларида коррупцияга қарши курашиш бўйича масъул ходимлари ва координаторлари тўғрисидаги намунавий низом 13-иловага;

- Ўзбекистон Республикаси Қурилиш ва уй-жой коммунал хўжалиги вазирлиги одоб-ахлоқ комиссияси тўғрисидаги низом 14-иловага;

- Ўзбекистон Республикаси Қурилиш ва уй-жой коммунал хўжалиги вазирлиги, ҳудудий бўлинмалари ва унинг тузилмасига кирадиган ташкилотлар шартномаларига коррупцияга қарши курашиш бўйича моддани киритиш тўғрисидаги йўриқнома 15-иловага мувофиқ тасдиқланди.

Мазкур буйруқ ва унга асосан тасдиқланган ички идоравий ҳужжатлар барча бош бошқармаларга ижро ва назорат учун юборилди. Бош бошқарма ходимлари мазкур буйруқ билан таништирилиб ички буйруқлари қабул қилинган.

Жорий йил Қурилиш ва уй-жой коммунал хўжалиги вазирлигининг 28.08.2023-йилдаги "Коррупцияга қарши курашиш ишлари самарадорлигини оширишга доир қўшимча чора-тадбирлар тўғрисида"ги 226-сонли буйруғи қабул қилинди. Мазкур буйруққа кўра:

вазирлик марказий аппаратининг бошқарма ва бўлимлари, Қорақалпоғистон Республикаси Қурилиш ва уй-жой коммунал хўжалиги вазирлиги, ҳудудий Қурилиш ва уй-жой коммунал хўжалиги бошқармалари ва Тошкент шаҳар Қурилиш ва уй-жой коммунал хўжалиги бош бошқармаси ҳамда тизим ташкилотлари раҳбарларига коррупцияга қарши курашиш бўйича масъул ходим бириктириш;

2022 йил 12 январдаги "Коррупцияга қарши курашиш ишларининг самарадорлигини рейтинг баҳолаш тизимини жорий этиш чора-тадбирлари тўғрисида"ги ПҚ-81 қарори ижроси бўйича амалга оширилган ишлар юзасидан ҳар чорак якунида кейинги ойнинг 5-санасига қадар тасдиқловчи ҳужжатларни илова қилган ҳолда чораклик маълумотлар, йил якунида эса кейинги йилнинг 5-январидан кечиктирмай йиллик маълумотларни вазирликка (Коррупцияга қарши курашиш бўлимига) тақдим этиш;

ҳуқуқни муҳофаза қилувчи органлар томонидан вазирлик ва тизим ташкилотлари ходимларига нисбатан ҳамда ҳолат юзасидан қўзғатилган жиноят ишлари бўйича дарҳол; ходимларнинг қонунбузилиш ҳолатларига йўл қўйганликлари оқибатида ҳуқуқни муҳофаза қилувчи идораларга жалб қилинганлиги ҳолатлари юзасидан 10 кун ичида; вазирлик ва тизим ташкилотлари ходимларига нисбатан ўтказилган хизмат текшируви хулоса нусхасини ҳар ойда;

ҳуқуқни муҳофаза қилувчи органлар, Ҳисоб палатаси ва ички аудит томонидан ўтказилган текширувлар натижасига кўра қўлланилган таъсир ҳужжатлари (тақдимнома, маъмурий ва интизомий қарорлар, огоҳлантирув, протест ва бошқалар) ҳақида ҳар ойда вазирликнинг Коррупцияга қарши курашиш ҳамда Инсон ресурсларини ривожлантириш ва бошқариш бўлимларига батафсил ахборот бериб бориш вазифалари юклатилди.

Мазкур буйруқ ижросини бажармаган ёки лозим даражада бажармаган тақдирда интизомий жазо қўлланилиши ҳақида огоҳлантирилди.

Хавф-хатарларни баҳолаш

Қурилиш ва уй-жой коммунал хўжалиги вазирининг 2023 йил 28 августдаги 225-сон буйруғининг 2-илоvasи билан тасдиқланаган Ўзбекистон Республикаси Қурилиш ва уй-жой коммунал хўжалиги вазирлиги тизимида коррупциявий хавф-хатарларни баҳолаш Услубиётига асосан вазирлик марказий аппарати, ҳудудий бошқармалар ва барча тизим ташкилотлари томонидан хавф-хатарларни баҳолаш амалга оширилган бўлиб, коррупциявий хавф-хатарларни баҳолашни амалга оширилган.

Ўзбекистон Республикаси Президентининг ПФ-151-сонли фармони, 5-илоvasининг "е" банди бўйича барча ҳудудий бош бошқармаларда комплаенс хизмати жорий этиш белгиланган.

Бироқ, Қорақалпоғистон Республикаси, Самарқанд, Қашқадарё, Бухоро, Навоий, Сирдарё, Андижон, Фарғона, Тошкент ва Сурхондарё вилоятларида комплаенс назорат тизимини жорий этмасдан бошқа бир ходимга юклатилган.

Ўзбекистон Республикаси Президентининг "Давлат бошқаруви соҳасида коррупциявий хавф-хатарларни бартараф этиш механизмларини такомиллаштириш ва ушбу соҳада жамоатчилик иштирокини кенгайтириш чора-тадбирлари тўғрисида"ги 11.05.2022-йилдаги ПҚ-240-сон қарори ижросини таъминлашда «Коррупцияга мойил бўлган муносабатлар электрон реестри»ни шакллантириш ва юритиш йўлга қўйилди.

Шунга асосан Коррупцияга қарши курашиш Агентлигининг E-Anticor платформаси орқали 2-модулда айнан коррупциявий хавф-хатарларни баҳолаш йўлга қўйилган бўлиб, платформада қўшимча чеклист жорий этилган. Бунга асосан мазкур чеклист орқали хавф-хатарларни баҳолаш автомат равишда баҳоланмоқда.

Амалга ошириладиган коррупцияга қарши курашиш тартиб-таомиллар Манфаатлар тўқнашувини тартибга солиш

Бўлим томонидан 3 ой давомида юклатилган вазифалардан келиб чиқиб, вазирлик ходимларидан ҳар йили бир марта 15-февралга қадар олинадиган манфаатлар тўқнашуви декларациясини вазирликнинг барча 136 нафар ходимларидан аризалар (декларация) тўлдириб ўрганиш ўтказди. Ўрганиш натижаларига кўра вазирликнинг марказий аппарати ходимларида 1 та ҳолатда манфаатлар тўқнашуви ҳолатлари аниқланиб, ҳозирги кунда бартараф этилди.

Масалан, Архитектура ва шаҳарсозликни ривожлантириш бошқармаси бош мутахассиси 3.Юсупова томонидан тўлдирилган декларацияда, "вазирлик тизимида яқин қариндошлари ишлаши ёки ишламаслиги саволида" "ЙЎҚ" деб, носамимийликка йўл қўйган ҳамда 3.Юсупова Урбанизация ва шаҳарсозлик ҳужжатларини ишлаб чиқиш Республика марказида бош мутахассис лавозимида 0,5 ставкада ишлаётганлиги маълум бўлди (3.Юсупова, Урбанизация ва шаҳарсозлик ҳужжатларини ишлаб чиқиш Республика марказида бош мутахассис лавозимидан ўз ҳоҳишига кўра озод қилиш ҳақида ариза берган).

Жорий йилнинг январ ойида Бухоро вилояти Қурилиш ва уй-жой коммунал хўжалиги бош бошқармасида ўтказилган назорат тадбирида 1 та ҳолатда яъни, Бухоро вилояти Қурилиш ва уй-жой коммунал хўжалиги бош бошқармаси билан "Marvarid marjonlar dunyosi" МЧЖ ўртасида 25 млн. сўмлик товар ва иш хизматлар етказиб бериш бўйича шартномалар имзоланиб тўловлар амалга оширилган. Бундан ташқари Бухоро вилоят Қурилиш бош бошқармасида 3 та,

“Шаҳарсозлик ҳужжатларини экспертиза қилиш” Бухоро вилоят филиали 1та, Бухоро вилояти Қурилишда танлов савдоларини ташкил этиш консалтинг марказида 1та манфаатлар тўқнашуви ҳолатлари аниқланиб баратараф этилган.

Бундан ташқари “Ўзоғирсаноатлойиҳа” АЖ дан олинган маълумотларга асосан 3 та ҳолатда манфаатлар тўқнашуви аниқланиб, бу ҳақда раҳбариятга ахборот берилган.

Коррупцияга қарши қоидаларни Ташкилот шарномаларига киритиш

Ўзбекистон Республикаси Президентининг “Шартномавий муносабатларни тубдан такомиллаштириш чора-тадбирлари тўғрисида” 2021 йил 14 сентябрдаги ПФ-6313-сонли Фамронида 2022 йил 1 январдан ҳўжалик юритувчи субъектлар томонидан давлат харидлари билан боғлиқ тузиладиган шартномаларда мажбурий равишда коррупцияга қарши қўшимча шартлар белгиланиши назарда тутилган.

Мазкур Фармон ҳамда Адлия вазирлиги, Коррупцияга қарши курашиш агентлиги ва Савдо-саноат палатасининг 12.11.2021 йилдаги қарори билан ҳўжалик юритувчи субъектлар томонидан шартномалар тузишда қўллаш учун тавсиявий характерга эга бўлган коррупцияга қарши шартлар вазирлик марказий аппаратида тузиладиган шартномалар бандларига киритилиши таъминланди ҳамда вазирликнинг ҳудудий ва таркибий бўлинмаларида молия-ҳўжалик фаолиятини амалга оширишда тузиладиган шартномаларга коррупцияга қарши шартлар киритиш бўйича кўрсатмалар берилди ва Адлия вазирлиги томонидан тақдим этилган тавсиявий характерга эга бўлган коррупцияга қарши шартлар намуналари ишда фойдаланиш мақсадида тақдим этилди.

2024 йил 3 ойида ишга қабул қилинган 9 нафар ходим билан тузилган меҳнат шартномаларига коррупцияга қарши шартлар киритилган ҳолда расмийлаштирилган.

Коррупцияга қарши қоидаларни вазирликнинг ҳўжалик шартномаларига киритиш бўйича контрагентларнинг коррупцияга қарши қоидаларни шартномаларга киритишни рад этиш ҳолатлари, шунингдек марказий аппарат, ҳудудий ва таркибий бўлинмалари кесимида вазирлик тизимида контрагент томонидан коррупцияга қарши қоидалар бузилиши сабабли шартномаларни бекор қилиш ҳолати мавжуд эмас.

Контрагентларни текшириш

Ҳисобот даврида “Ўзбекистон Республикаси Қурилиш вазирлиги, унинг ҳудудий ва таркибий бўлинмаларида контрагентларни текширишга оид Йўриқнома” талабларига асосан вазирлик марказий аппаратида тузилган жами 48 та ҳўжалик шартномалари таҳлил қилиниб, шундан 2 та контрагентлар бўйича текширувлар ўтказилган.

Жорий йил 3 ойи давомида Вазирлик томонидан амалга оширилаётган давлат харидлари бўйича имзоланган шартномалар ўрганилганда, манфаатлар тўқнашуви ҳолатлари аниқланмади.

Ишга номзодларни текшириш

Ҳисобот даврида вазирлик марказий аппаратида ишга қабул қилинган 5 нафар номзодлар устидан Ўзбекистон Республикаси Қурилиш вазирлиги, унинг ҳудудий ва таркибий бўлинмаларига ишга қабул қилинаётган номзодларни текшириш бўйича Йўриқнома талабларига асосан текширувлар ўтказилди. Ўтказилган текширувлар натижасига кўра ишга қабул қилинаётган номзодларнинг барчасида манфаатлар тўқнашуви ҳолатлари аниқланмади.

Таълим ва коммуникация

Ҳисобот даврида, вазирлик ва унинг ҳудудий бош бошқарма ходимларининг коррупцияга қарши қонун, вазирликнинг ички локал ҳужжатлари ва ички одоб-ахлоқ қоидаларига риоя қилишини ўрганиш ва ходимларда коррупцияга қарши муросасиз муносабатни шакллантириш мақсадида ҳуқуқий билимини ошириш юзасидан жами бўлиб 10 та ўқув-семинар ва бошқа машғулоти ташкил этилган.

Масалан, Тошкент шаҳар Қурилиш бош бошқармасида 06.03.2024-йил https://t.me/tosh_shahar_qurilish Тошкент шаҳар Қурилиш бош бошқармасида “Қурилиш соҳасини коррупциядан ҳоли тизимга айлантираамиз” мавзусида “Очиқ эшиклар куни” бўлиб ўтди.

Мазкур тадбирда бошқарма бошлиғи ўринбосари – шаҳар бош архитектори Шовкат Дусмухамедов, Тошкент шаҳар Коррупцияга қарши курашиш ҳудудий кенгаши аъзоси Тошкент шаҳар Адлия бошқармаси бошлиғи Нумон Мухаммадиев, Коррупцияга қарши курашиш бўлими бошлиғи Жасур Файзиев, лойиҳа ташкилоти раҳбарлари ҳамда бошқарма ходимлари иштирок этишди.

Жорий йилда Ўзбекистон Республикаси Ҳисоб палатаси, Коррупцияга қарши курашиш Агентлиги ва бошқа ташкилотлар томонидан коррупцияга қарши курашиш ишларини такомиллаштириш борасида ташкил этилаётган семинар-тренингларга бўлим ходимлари мунтазам қатнашиб керакли билим ва кўникмаларга эга бўлмоқда.

Коррупциявий хатти-ҳаракатлар ва ҳуқуқбузарликлар тўрисидаги хабарлар.

Қурилиш ва уй-жой коммунал хўжалиги вазирлигида "Коррупцияга қарши курашиш" бўлими ўз фаолиятини Ўзбекистан Республикасининг Конституцияси, Қонунлари ва қонун ости ҳужжатлари асосида олиб бормоқда. 2024 йил 1-чораги давомида бўлим томонидан вазирлик тизимида коррупцияга қарши курашиш бўйича бир қатор ишлар амалга оширилди.

Вазирлик тизимида коррупцияга оид хабарларни қабул қилиш мақсадида Facebook ижтимоий тармоғидаги алоқа канали, телеграмм бот канали, электрон почта, расмий веб-сайтдаги алоқа канали ҳамда ишонч телефонлари ташкил этилиб, кенг аҳоли ва жамоатчиликка етказиш мақсадида вазирликнинг расмий веб-сайти ҳамда ижтимоий тармоқлар орқали эълон қилинган.

Ҳисобот даврида ходимларнинг хатти-ҳаракатлари, манфаатлар тўқнашуви, коррупцияга қарши бошқа қонунбузарликлар билан боғлиқ масалалар тўғрисида коррупция фактлари ҳақида хабар беришга мўлжалланган алоқа каналлари орқали жами 6 та хабарлар келиб тушган.

Коррупция фактлари ҳақида хабар беришга мўлжалланган алоқа каналлари орқали келиб тушган 6 та хабарлар тахил қилинганида, шундан 1 таси ишонч телефони орқали, телеграмм бот канали орқали 5 та мурожаатлар келиб тушган. Тошкент шаҳар Шайхонтохур тумани "Убайдулла коммунал" МЧЖ БСК Ибн Сино мавзесида яшовчи фуқаро Р.Абдугафурова уйида иссиқ суви йўклиги, ҳамда қўшимча пул олиб ишини қилиб бермаганлиги юзасидан 21.02.2024-й.да шикоят келиб тушган. Мазкур шикоят вазирлик масъуллари иштирокида жойига чиққан ҳолда ўша куннинг узида баратараф этилди.

Шунингдек, ҳисобот даврида манфаатлар тўқнашуви юзасидан Ташкент шаҳрида 1 та оғзаки мурожаат келиб тушган бўлиб, жойида баратараф этилган.

Бундан ташқари, 16.01.2024-йилда фуқаро Р.Нозимов Сергели 6-а да яшагини ва унинг уйи олтидан катта 2 та корпусли кўп қаватли уй-жойни ноқонуний қурилатганидан норозилиги ҳақида хабар берган. Бўлим томонидан ўрганиш натижаларига кўра мазкур мурожаат ўз тасдиғини топмаган ҳамда тегишли соҳа масъулларга йўналтирилган.

25.01.2024-йилда фуқаро Б.Рахматовнинг мурожаатига кўра Қашқадарё вилояти Яккабоғ тумани Қорамурча қишлоғида опен бюджетга мувофиқ 2023-йилда йул қурилиши мўлжалланган бўлиб қурилиш фирмаси томонидан йўл қурилиши сифатсиз бажарилганлиги маълум қилган. Бу масала бўйича тегишлилиги бўйича йўл инспекцияга мурожаат қилиш ҳуқуқи тушунтирилган.

Мониторинг ва назорат

Бўлим томонидан 2024-йил учун иш режаси ишлаб чиқилиб раҳбарият томонидан тасдиқланган. Унга кўра график асосида жорий йилнинг январ ойида Бухоро, март ойида Самарқанд вилоятларига хизмат сафарига бориб Қурилиш ва уй-жой коммунал хўжалиги бош бошқармасида профилактик ва назорат тадбирлари ўтказилган.

Аниқланган қондабузарликлар ва уларга таъсир чоралари

Бўлим томонидан 2 ой давомида юклатилган вазифалардан келиб чиқиб, вазирлик ходимларидан ҳар йили бир марта

15-февралга қадар олинадиган манфаатлар тўқнашуви декларациясини вазирликнинг барча 136 нафар ходимларидан аризалар (декларация) тўлдириб ўрганиш ўтказди. Ўрганиш натижаларига кўра вазирликнинг марказий аппарати ходимларида 1 та ҳолатда манфаатлар тўқнашуви ҳолатлари аниқланиб, ҳозирги кунда баратараф этилди.

Масалан, Архитектура ва шаҳарсозликни ривожлантириш бошқармаси бош мутахассиси З.Юсупова томонидан тўлдирилган декларацияда, "вазирлик тизимида яқин қариндошлари ишлаши ёки ишламаслиги саволида" "ЙЎҚ" деб, носамимийликка йўл қўйган ҳамда З.Юсупова Урбанизация ва шаҳарсозлик ҳужжатларини ишлаб чиқиш Республика марказида бош мутахассис лавозимида 0,5 ставкада ишлаётганлиги маълум бўлди (З.Юсупова, Урбанизация ва шаҳарсозлик ҳужжатларини ишлаб чиқиш Республика марказида бош мутахассис лавозимидан ўз ҳоҳишига кўра озод қилиш ҳақида ариза берган).

Жорий йилнинг январ ойида Бухоро вилояти Қурилиш ва уй-жой коммунал хўжалиги бош бошқармасида ўтказилган назорат тадбирида 1 та ҳолатда яъни, Бухоро вилояти Қурилиш ва уй-жой коммунал хўжалиги бош бошқармаси билан "Marvarid marjonlar dunyosi" МЧЖ ўртасида 25 млн. сўмлик товар ва иш хизматлар етказиб бериш бўйича шартномалар имзоланиб тўловлар амалга оширилган. Бундан ташқари Бухоро вилоят Қурилиш бош бошқармасида 3 та, "Шаҳарсозлик ҳужжатларини экспертиза қилиш" Бухоро

вилоят филиали 1та, Бухоро вилояти Қурилишда танлов савдоларини ташкил этиш консалтинг марказида 1та манфаатлар тўқнашуви ҳолатлари аниқланиб баратараф этилган.

Бундан ташқари "Ўзоғирсаноатлойҳа" АЖ дан олинган маълумотларга асосан 3 та ҳолатда манфаатлар тўқнашуви аниқланиб, бу ҳақда раҳбариятга ахборот берилган.

Шунингдек фуқародан келиб тушган аризаларга кўра феврал ойида 1 та хизмат текшируви ўтказилиб, тўпланган ҳужжатлар ХМҚОга юборилган..

Хулосалар.

Ўзбекистон Республикаси Президентининг ПФ-151 5-иловасининг "е" банди бўйича барча ҳудудий бош бошқармаларда комплаенс хизмати жорий этиш белгиланган.

Бироқ, Қорақалпоғистон Республикаси, Самарқанд, Қашқадарё, Бухоро, Навоий, Сирдарё, Андижон, Фарғона, Тошкент ва Сурхондарё вилоятларида комплаенс назорат тизимини жорий этмасдан бошқа бир ҳодимга юклатилган.

Таклиф: Вазирлик тизимидаги барча ташкилотларга коррупцияга қарши курашиш бўйича комплаенс назорати масъул ходими вазир буйруғи асосида қабул қилиниши мақсадга мувофиқ.

Коррупцияга қарши кураш тизимини янада ривожлантириш бўйича таклифлар ва тадбирлар режаси

Жорий йил феврал ойида Ҳисоб палатаси ҳамда Коррупцияга қарши курашиш Агентлигининг ташаббуси билан соҳада коррупцияга қарши курашиш ишларини янада такомиллаштириш самарадорлиги ошириш юзасидан таклифлар сўралган. Вазирлик томонидан қуйидаги таклифлар:

Ўзбекистон Республикаси Президентининг 25.01.2023-йил ПФ-14-сонли Фармони талабларига кўра марказий аппаратларда коррупцияга қарши курашиш бўлими ташкил этилиши мажбурий ҳисобланади.

Бунда, коррупцияга қарши курашиш фақатгина вазирлик ва бошқа мустақил идораларда ташкил қилиниб, ушбу йўналишларда улар ягона сиёсатни амалга оширади. Тизим ташкилотлари кўп бўлган вазирликлар ҳузуридаги ҳудудий бўлинмалар, инспекцияларда Ўзбекистон Республикаси Президенти Администрацияси билан келишилган ҳолда алоҳида бўлинмалар (лавозимлар) ташкил қилиниши мумкин, деб белгилаб берилган.

Бунга кўра вазирлик томонидан Коррупцияга қарши курашиш ишлари самарадорлигини ошириш, жойларда профилактик тадбирлар ўтказиш ҳамда коррупцион омилларни бартараф этиш мақсадида, вазирлик тизимидаги ҳудудий бош бошқармалар, ташкилот ва муассасаларда коррупцияга қарши курашиш бўйича 1 нафар масъул ходимдан иборат штат бирлиги яратиш мақсадга мувофиқ деб таклиф киритилган.

Бундан ташқари, Коррупцияга қарши курашиш ишлари билан шуғулланувчи масъул ходимларнинг ҳуқуқий мақомини белгилаш бунда, ҳуқуқни муҳофаза қилувчи органлар ходимлари каби унвон даражалари (чин) берилиши учун Вазирлар Мақкамасининг қарори қабул қилиниб Низомни тасдиқланиши ҳамда, Коррупцияга қарши курашиш ишларини амалга ошириш борасида албатта хорижий тажрибаларни ўрганиш мақсадга мувофиқ. Бунда масъул ходимлар хорижий тажрибаларни ўрганиб, амалда тадбиқ этишларига имкон яратилиши мумкинлиги тўғрисидаги таклифлар киритилган.

Коррупцияга қарши курашиш бўлими бошлиғи В.В.Б.

1. 

Ж.Файзиев